



SLUŽBENE NOVINE

OPĆINE MAGLAJ

BROJ

5/21

Maglaj, 19.05.2021.

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača: Mirsad Mahmutagić – Načelnik općine
Tel.: 032/465-810; Fax: 032/465-817; E-mail: vijece@maglaj.ba

AKTI OPĆINSKOG VIJEĆA**105.**

Na osnovu člana 62. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, broj:45/10, 111/12 i 20/17), člana 13. Zakona o principima lokalne samouprave Federacije BiH („Službene novine Federacije BiH“, broj:49/06 i 51/09), člana 18. Statuta Općine Maglaj („Službene novine Općine Maglaj“, broj:8/08, 3/08 i 6/08), a u vezi sa Presudom Ustavnog suda Federacije Bosne i Hercegovine broj:U-9//16 od 30.11.2016.godine i Presudom Ustavnog suda Federacije Bosne i Hercegovine broj: U-34/19 od 26.02.2019.godine, Općinsko vijeće Maglaj na sjednici održanoj dana 18.05.2021. godine, d o n o s i

ODLUKU

o izmjeni Odluke o utvrđivanju platnih razreda i koeficijenata za plaće, dodatka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj

Član 1.

Član 18. Odluke o utvrđivanju platnih razreda i koeficijenata za plaće, dodatka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj („Službene novine Općine Maglaj“, broj:1/15) **BRIŠE SE.**

Član 2.

Ova Odluka stupa na snagu narednog dana od dana objavljivanja u „Službenim novinama Općine Maglaj“

Broj:02-04-1-874/21

Maglaj, 18.05.2021.godine

PREDSJEDAVAJUĆA**Svjetlana Zamboni-Radovanović s.r.****106.**

Na osnovu člana 42, 45, 46, 47,48 i 50 Zakona o prostornom uređenju i građenju Zeničko –dobojskog kantona ("Službene novine Zeničko-dobojskog kantona" broj: 01/14), člana 18. Statuta Općine Maglaj («Službene novine Općine Maglaj» broj : 8/07, 3/08 i 6/08), i Odluke o pristupanju izmjeni Regulacionog plana „Centar Maglaj – sjeverni dio“,

broj: 02-04-1- 304/21 od 03.02.2021 godine, Općinsko vijeće Maglaj na sjednici održanoj dana 18.05.2021 godine d o n o s i

ODLUKU

o usvajanju djelimične Izmjene Regulacionog plana “Centar Maglaj – sjeverni dio”

Član 1.

Ovom Odlukom usvaja se Izmjena Regulacionog plana “Centar Maglaj – sjeverni dio” („Službene novine Općine Maglaj“, broj:08/05).

Zahtjev, „EURO MEAT“, D.O.O. Maglaj

Član 2.

Izmjena Regulacionog plana obuhvata zemljište označeno kao k.č. broj: 524/3, MAŠINSKA OBRADA, Poslovna zgrada u privredi, površine 1423 m2, upisana u pl. broj: 3995, k.o. Maglaj posjednik “EURO MEAT“ d.o.o. Tešanj, sa dijelom 1/1, k.č. broj: 524/4, PORTIRNICA, Poslovna zgrada u privredi površine 46 m2, upisana u pl. broj: 3995, k.o. Maglaj posjednik „EURO MEAT“ d.o.o. Tešanj sa dijelom 1/1 i k.č. 523/1 FABRIČKI KRUG, Zemljište uz privrednu zgradu površine 3436 m2, upisana u pl. broj: 3995, k.o. Maglaj posjednik „EURO MEAT“ d.o.o. Tešanj, koje se nalazi u sjevernom dijelu grrada, ulica 1 Marta u okviru bivšeg kompleksa „Borik Sabix“ i koje graniči sa izgrađenom saobraćajnicom kružnog toka.

Izmjenom Regulacionog plana po zahtjevu „EURO MEAT“ d.o.o. Maglaj se u odnosu na opredjeljenu namjenu po Regulacionom planu i planiranu izgradnju poslovnih objekata za namjenu proizvodnje namještaja, izvršene izmijene namjene i razmještaja objekata, parcelacije i građevinskih i regulacionih linija i ukinuo planirani Poslovni objekat koji je lokacijski planiran na dvije različite vlasničke parcele, „EURO MEAT“ d.o.o.i, „TRANSEY“ d.o.o. Maglaj, te u okviru vlasničkog zemljišta investitora „EURO MEAT“ d.o.o. Maglaj za planiranu djelatnost (rasjecanja, pakovanja i distribucije crvenog mesa) prema propisima i uslovima za ovu vrstu djelatnosti postojećem poslovnom objektu spratnosti P+1 sa dogradnjom ukupnih dimenzija cca 48,0 x 41,0 metar i dogradnjom sa zapadne strane **odredio status trajnog karaktera.**

U okviru ostalog zemljišta „Transej“ d.o.o. Maglaj će se u odvojenom postupku po zahtjevu investitora pokretati potrebni postupci.

Član 3.

Izmjena Regulacionog plana sastoji se od **Tekstualnog i Grafičkog dijela.**

TEKSTUALNI DIO:

Urbanistička osnova
 Urbanistički koncept izgradnje i uređenja prostora
 Smjernice za provođenje djelimične izmjene Regulacionog plan „Centar Maglaj – sjeverni dio“.

GRAFIČKI DIO: Tematske karte

- Izvod iz važećeg Regulacionog plana sa granicom obuhvata izmjene
- Postojeće stanje prostornog uređenja
- Postojeća parcelacija
- Postojeće stanje infrastrukture
- Plan parcelacije
- Plan Namjene i Razmještaja objekata
- Plan Regulacionih i Građevinskih linija
- Plan Infrastrukture

Član 4.

Odluka stupa na snagu narednog dana od dana objavljivanja u „Službenim novinama Općine Maglaj“.

Broj: 02-04-1-880/21

Maglaj, 18.05.2021.godine

PREDSJEDAVAJUĆA

Svjetlana Zamboni-Radovanović s.r.

107.

NACRT

Na osnovu člana 42, 45, 46, 47, i 48. Zakona o prostornom uređenju i građenju Zeničko –dobojskog kantona ("Službene novine Zeničko-dobojskog kantona", broj: 01/14), člana 18. Statuta Općine Maglaj («Službene novine Općine Maglaj», broj : 8/07, 3/08 i 6/08), i Odluke o pristupanju izmjene Regulacionog plana „Centar Maglaj – južni dio“ broj: 02- 45-1-301 /2021 od 03.02.2021. godine, Općinsko vijeće Maglaj, na sjednici održanoj dana 18.05.2021 godine, d o n o s i

ODLUKU

o usvajanju Nacrta djelimične Izmjene Regulacionog plana “Centar Maglaj – južni dio”

Član 1.

(Vrsta dokumenta)

Ovom Odlukom usvaja se Nacrt djelimične Izmjene Regulacionog plana “Centar Maglaj – južni dio” („Službene novine općine Maglaj“, broj 04/07).

Zahtjev „Alu Wood Inžinjeri“ d.o.o. Maglaj

Član 2.

(Granice područja za koje se dokument mijenja)

Izmjena Regulacionog plana obuhvata zemljište označeno sa k.č.broj: 1430/2 „BANKA“ Kuća zgrada i Dvorište ukupne površine 1300 m2, upisana u PL. broj: 2701 koje se nalazi u ulici Aleja Ljiljana, prostor postojećeg poslovnog objekta PBS (Privredna banka Sarajevo) u Maglaju.

Izmjenom Regulacionog plana bi se u odnosu na opredjeljenu namjenu po Regulacionom planu na navedenom zemljištu u okviru kojeg se postojeći poslovni objekat PBS (Privredne banke Sarajevo) zadržava sa statusom stalnog objekta, izvršile izmjene namjene i razmještaja objekata, parcelacije i građevinskih i regulacionih linija, te prema postojećem stanju izgrađenosti **opredjelila izgradnja poslovno-stambenog objekta.**

Smjernice i urbanističko-tehnički uslovi za planirani poslovno –stambeni objekat određuju se prema odredbama Odluke o pristupanju djelimičnoj izmjeni Regulacionog plana „Maglaj –Centar –južni dio“ (Odluka broj: 02- 45-1-301 /2021 od 03.02.2021) kojim je u obrazloženju definisano da će nakon usvajanja predložene Odluke u daljem postupku, izradi projektnog zadatka za izradu Prednacrt dokumenta u odnosu na zahtjev investitora “Alu wood Inžinjeri” d.o.o. Maglaj , od strane Nosioca pripreme biti određeni urbanističko tehnički uslovi, lokacijska pozicija, dimenzije i spratnost planirnog objekta, a koji bi se u Nacrtu dokumenta prezentirali Općinskom vijeću Maglaj, o čemu bi se raspravljalo i u postupku javnog uvida i javne rasprave.

Osnov za izradu smjernica i urbanističko tehničkih uslova su odredbe i pokazatelji iz Tekstualnog i Grafičkog dijela Regulacionog plana “Centar Maglaj - južni dio“ (Službene novine općine Maglaj, broj: 04/07) i Odluke o provođenju Regulacionog plana „Centar Maglaj –južni dio“ (Službene novine općine Maglaj, broj: 04/07).

Prema stručnim pokazateljima u navedenoj dokumentaciji, uvažavajući uspostavljeni osnovni koncept lokacijske pozicije i strukture izgrađenih objekata, saobraćajno rješenje i uslove zaštite od požara i eksplozija, **Nosilac pripreme odredio je osnovne smjernice i urbanističko-tehničke uslove** za planirani stambeno-poslovni objekat, tako da je na predmetnoj lokaciji planiran stambeno poslovni objekat dimenzija u osnovi suterena i prizemlja 20,00 m x (širina) x 25,00 m (dužina). Spratnost planiranog objekta se određuje do max spratnosti Sut (suterena) +P(prizemlje) +5 (spratova), ili (Sut+P+4 sprata +M (mansarda)

Spratne etaže se prema ulici Aleja Ljiljana, postojećem objektu M4 i stambenom objektu uz ulicu Civilnih žrtava rata povećavaju za 1,50 m.

Kolski prilaz planiranom objektu predviđa se iz ulice

Civilnih žrtava rata već postojećim prilazom između stambenih objekata P+2, odakle se predviđa i rampa za suteran objekta.

U okviru slobodnog prostora planiraju se parking prostori osim u dijelu prema objektu „Soliter“.

Građevinske linije (najistureniji dio objekta) se određuju na udaljenosti od cca 12,0 m od objekta „Soliter, na udaljenost od Ulice Aleja Ljiljana cca 9,0 metara, od stambenog objekta M4 na udaljenosti od cca 15, 0 metara i od stambenog objekta P+2 cca 6,50 metara.

Član 3.

Nacrt Izmjene Regulacionog plana sastoji se od Tekstualnog i Grafičkog dijela.

TEKSTUALNI DIO:

Izvod iz urbanističke osnove

Projekcija izgradnje i uređenja prostora

Smjernice za provedene Izmjene Regulacionog plana

GRAFIČKI DIO: Tematske karte

1. Izvod iz važećeg Regulacionog plana sa granicom obuhvata
2. Postojeće stanje prostornog uređenja
3. Postojeće stanje infrastrukture
4. Plan parcelacije
5. Plan namjene korištenja prostora
6. Plan Namjene i Razmještaja objekata
7. Plan saobraćaja
8. Plan regulacionih i građevinskih linija
9. Plan infrastrukture

Član 4.

O Nacrtu Izmjene Regulacionog plana „Centar Maglaj – južni dio“ određuje se javni uvid u trajanju od 15 dana nakon usvajanja na Općinskom vijeću Maglaj.

Član 5.

Javna rasprava na Nacrt dokumenta će se održati u roku od najduže 15 dana po isteku roka za javni uvid.

Član 6.

Nacrt Izmjene Regulacionog plana se izlaže na oglasnoj ploči Općine Maglaj i prostorijama Općine Maglaj, Službi za urbanizam, geodetske i imovinsko pravne poslove, web stranici općine Maglaj, a što će biti navedeno u obavještenju koje će biti objavljeno u sredstvima javnog informisanja i oglasnoj ploči Općine Maglaj.

Član 7.

Nakon javnog uvida organizovat će se javna rasprava u sali Općinskog vijeća u prisustvu Nosioca izrade d.o.o. „Stilprojekt“ Zavidovići podružnica Maglaj, Nosioca pripreme Regulacionog plana Općina

Maglaj, podnosioca zahtjeva i drugih zainteresiranih građana.

Član 8.

Na osnovu rezultata javnog uvida i javne rasprave Nosioc izrade i Nosioc pripreme Izmjene Regulacionog plana „Centar Maglaj – južni dio“ pripremit će Prijedlog plana i dostaviti Općinskom vijeću Maglaj na usvajanje.

Član 9.

Ova Odluka stupa na snagu narednog dana od dana objavljivanja u „Službenim novinama Općine Maglaj“.

Broj: 02-04-1-878/21

Maglaj, 18.05.2021.godine

PREDSJEDAVAJUĆA
Svjetlana Zamboni-Radovanović s.r.

108.

Na osnovu člana 42, 43, 45 i 50 Zakona o prostornom uređenju i građenju Zeničko – dobojskog kantona („Službene novine Zeničko – dobojskog kantona“, broj 01/14), i člana 18.Statuta općine Maglaj („Službene novine općine Maglaj“ broj: 8/07, 3/08 i 6/08) Općinsko vijeće Maglaj, na sjednici održanoj dana 18.05.2021. godine, d o n o s i

ODLUKU

o pristupanju djelimičnoj izmjeni Regulacionog plana “ STARI GRAD” Maglaj

Član 1.

(Vrsta dokumenta)

Ovom Odlukom pristupa se djelimičnoj izmjeni Regulacionog plana “STARI GRAD”

(„Službene novine Općine Maglaj“, broj: 05/2011)

Zahtjev LOKMIĆ ENISA Maglaj

Član 2.

(Granice područja za koje se dokument mijenja)

Djelimična Izmjena Regulacionog plana obuhvata područje I zone Regulacionog plana „STARI GRAD“ Maglaj, zemljište označeno sa k.č. broj:1659, zemljište označeno sa k.č. broj: 1655 i zemljište označeno sa k.č. broj: 1656, K.O. Maglaj.

Djelimičnom izmjenom Regulacionog plana, bi se po zahtjevu Lokmić Enise u odnosu na opredjeljenu namjenu po Regulacionom planu i planiranu izgradnju jedinstvenog stambeno-poslovnog objekta dimenzija 15,0x10,0 metara sa predviđenim prolazom-pasažom u prizemnom dijelu za unutrašnji prostor sa planiranim parking prostorom, koji je

lokacijski predviđen tako da zahvata zemljište označeno sa k.č.broj:1659 i dio zemljišta k.č. broj: 1655, izvršile izmjene namjene i razmjesta objekata, plana parcelacije, plana građevinskih i regulacionih linija i plana saobraćaja.

Izmjenama bi se umjesto navedenog jedinstvenog stambeno-poslovnog objekta opredjelila izgradnja dva zasebna stambeno-poslovna objekta okvirnih dimenzija 7,0x 9,0 metara.

Jedan poslovno stambeni objekat bi bio u okviru zemljišta k.č. broj: 1659 posjednik Lokmić Enisa i dijelu k.č. broj: 1655 posjednik općina Maglaj, dok bi drugi stambeno- poslovni objekat bio na dijelu zemljišta Općine Maglaj označenog sa k.č. broj: 1655. Između novoplanirane građevinske parcele Lokmić Enisa i građevinske parcele u dijelu zemljišta Općine Maglaj ostavio bi se prolaz -pasaž koji je i predviđen planskom dokumentacijom.

U okviru označenog obuhvata izvršile bi se korekcije saobraćajnog rješenja koje bi se prilagodile postojećem stanju izgrađenosti, u dijelu Trga Alije Izetbegovića prema ulici Mustajbega Uzeirbegovića. Prilaz planiranim objektima je sa postojećeg Trga Alije Izetbegovića.

Član 3.

(Vremenski period)

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja (Regulacionog plana " Stari grad" Maglaj, broj 05/2011).

Član 4.

(Smjernice za izradu)

Nosilac pripreme plana osigurati će Nosiocu izrade potrebnu dokumentaciju značajnu za donošenje izmjena i dopuna Regulacionog plana u skladu sa odredbama Zakona o prostornom uređenju i građenju.

Član 5.

(Rok izrade)

Rok izrade djelimične izmjene i dopune Regulacionog plana bit će određen od strane Nosioca izrade izmjene Regulacionog plana.

Član 6.

(Sadržaj i postupak izmjene planskog dokumenta)
Djelimična Izmjena Regulacionog plana " Stari grad " sadržavat će dokumentaciju predviđenu Zakonom o prostornom uređenju i građenju.

Postupak izmjene Regulacionog plana provodit će se u skladu sa članom 50. navedenog Zakona, stav stav 2. (skraćeni postupak).

Član 7.

(Finansiranje)

Sredstva za izradu Izmjene Regulacionog plana obezbjedit će podnosioc zahtjeva Lokmić Enisa.

Član 8.

(Nosilac pripreme)

Nosilac pripreme plana je Načelnik Općine putem Službe za urbanizam geodetske i imovinsko pravne poslove.

Član 9.

(Nosilac izrade)

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju, Zeničko –dobojskog kantona.

Član 10.

(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Općine Maglaj“.

Broj: 02-04-1-881/21

Maglaj, 18.05.2021.godine

PREDSJEDAVAJUĆA

Svjetlana Zamboni-Radovanović s.r.

109.

Na osnovu člana 42, 43, 45 i 50 Zakona o prostornom uređenju i građenju Zeničko –dobojskog kantona ("Službene novine Zeničko – dobojskog kantona", broj: 01/14), i člana 18.Statuta Općine Maglaj („Službene novine Općine Maglaj“, broj: 8/07, 3/08 i 6/08) Općinsko vijeće Maglaj, na sjednici održanoj dana 18.05.2021. godine, d o n o s i

ODLUKU

o pristupanju djelimičnoj izmjeni Regulacionog plana " Maglaj Centar –južni dio "

Član 1.

(Vrsta dokumenta)

Ovom Odlukom pristupa se djelimičnoj izmjeni Regulacionog plana "Maglaj Centar – južni dio"(„Službene novine Općine Maglaj“, broj: 04/07).

Član 2.

(Granice područja za koje se dokument mijenja)

Djelimična Izmjena Regulacionog plana obuhvata područje Regulacionog plana „Maglaj Centar –južni dio“ Općina Maglaj,zemljišteoznačeno sa k.č. broj: 2351/2 površine 138 m2, i dio k.č. broj: 2348/1 površine 5345 m2,k.o. Maglaj,posjednik Općina

Maglaj sa dijelom 1/1, u ulici Antuna Hangija. Izmjenom Regulacionog plana bi se u okviru obuhvata navedenog zemljišta, odnosno granica predviđenih građevinskih parcela označenih brojem 41, 42/1 i 42/2 izvrše korekcije namjene i razmještaja objekata, plana parcelacije i građevinskih i regulacionih linija.

Korekcijama bi se od planirane dvije građevinske parcele odredila jedna građevinska parcela u okviru koje bi se umjesto dva planirana stambena objekta u nizu odredila izgradnja jednog individualnog stambenog ili poslovno stambenog objekta, spratnosti P+1- P+2- P+2+M. Građevinska linija se nebi mijenjala od ulice Antuna Hangina.

Urbanističko tehnički uslovi za planirani objekat bi se odredili prema odredbama Odluke o provođenju Regulacionog plana „Maglaj Centar –južni dio“ („Službene novine Općine Maglaj“, broj: 04/07).

Član 3.

(Vremenski period)

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja (Regulacionog plana ” Maglaj Centar – južni dio”.

Član 4.

(Smjernice za izradu)

Nosilac pripreme plana osigurat će Nosiocu izrade potrebnu dokumentaciju značajnu za donošenje izmjena i dopuna Regulacionog plana u skladu sa odredbama Zakona o prostornom uređenju i građenju.

Član 5.

(Rok izrade)

Rok izrade djelimične izmjene Regulacionog plana bit će određen Ugovorom sa Nosiocem izrade izmjene Regulacionog plana.

Član 6.

(Sadržaj i postupak izmjene planskog dokumenta)
Djelimična Izmjena Regulacionog plana „Maglaj Centar - južni dio“ sadržavat će dokumentaciju predviđenu Zakonom o prostornom uređenju i građenju.

Postupak izmjene Regulacionog plana provodit će se u skladu sa čl.50. navedenog Zakona, stav 2. (skraćeni postupak)

Član 7.

(Finansiranje)

Sredstva za izradu Izmjene Regulacionog plana obezbjedit će Općina Maglaj.

Član 8.

(Nosilac pripreme)

Nosilac pripreme plana je Načelnik Općine putem

Službe za urbanizam geodetske i imovinsko pravne poslove.

Član 9.

(Nosilac izrade)

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju, Zeničko –dobojskog kantona .

Član 10.

(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Općine Maglaj“.

Broj: 02-04-1-882/21

Maglaj, 18.05.2021.godine

PREDSJEDAVAJUĆA

Svjetlana Zamboni-Radovanović s.r.

110.

Na osnovu člana 30. Statuta Općine Maglaj- prečišćen tekst („Službene novine Općine Maglaj“, broj: 8/07, 3/08 i 6/08) i člana 32., 33., 34. i 52. Poslovnika o radu Općinskog vijeća Maglaj- prečišćen tekst („Službene novine Općine Maglaj“, broj: 2/09, 1/13 i 2/13), Općinsko vijeće Maglaj na sjednici održanoj dana 18.05.2021.godine, donosi

RJEŠENJE

o razrješenju i imenovanju novog člana Komisije za dodjelu javnih priznanja

Član 1.

Asim Musaefendić, razrješava se dužnosti člana Komisije za dodjelu javnih priznanja Općinskog vijeća Maglaj, zbog smrti.

Irena Herceg, imenuje se za člana Komisije za dodjelu javnih priznanja Općinskog vijeća Maglaj.

Član 2.

Zamjenski član imenuje se do isteka mandata ostalim članovima Komisije.

Član 3.

Ovo Rješenje stupa na snagu narednog dana od dana objavljivanja u „Službenim novinama Općine Maglaj“.

Broj:02-04-1-883/21

Maglaj, 18.05.2021.godine

PREDSJEDAVAJUĆA

Svjetlana Zamboni-Radovanović s.r.

AKTI NAČELNIKA OPĆINE**111.**

Na osnovu člana 70. Zakona o organizaciji organa uprave u Federaciji BiH („Službene novine Federacije BiH“, broj:35/05), člana 42. Statuta Općine Maglaj-prečišćen tekst („Službene novine Općine Maglaj, broj:8/07, 3/08 i 6/08), člana 3. Zakona o finansiranju političkih stranaka („Službeni glasnik Bosne i Hercegovine“, broj: 95/12), člana 7. stav 6. Odluke o finansiranju Zeničko-dobojskog kantona („Službene novine Zeničko-dobojskog kantona“, broj:16/97), člana 31. Odluke o izvršavanju Budžeta Općine Maglaj za 2021. fiskalnu godinu („Službene novine Općine Maglaj“, broj: 3/21), a u vezi sa članom 3. Odluke o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2021. godini („Službene novine Općine Maglaj“, broj:4/21), Načelnik općine Maglaj d o n o s i

ODLUKU

o rasporedu i isplati sredstava za finansiranje parlamentarnih grupa političkih stranaka i samostalnih vijećnika

Član 1.

Ovom Odlukom utvrđuje se raspored i način transferisanja sredstava u skladu sa Odlukom o izvršavanju Budžeta Općine Maglaj za 2021. fiskalnu godinu.

Član 2.

Sredstva iz člana 1. Ove Odluke raspoređuju se tako da se:

- 30% sredstava raspoređuje jednako svim političkim strankama koje su status parlamentarne stranke dobile na općinskim izborima 2020.godine;
- 60% sredstava od ukupnog iznosa raspoređuje se korisnicima – parlamentarnim grupama i samostalnim vijećnicima u Općinskom vijeću shodno broju vijećnika u pojedinoj parlamentarnoj grupi političke stranke;
- 10% ukupnog iznosa raspoređuje se parlamentarnim grupama i samostalnim vijećnicima srazmjerno broju vijećničkih mjesta koja pripadaju manje zastupljenom spolu.

Član 3.

Shodno članu 2. ove Odluke planirana sredstva u iznosu od 5.208,31KM raspoređuju se parlamentarnim grupama političkih stranaka kako slijedi

-SDP	=	mjesečno	=	1.858,63KM
-SDA	=	mjesečno	=	1.348,21KM
-A-SDA	=	mjesečno	=	608,63KM
- DF.....	=	mjesečno	=	348,21KM
-SBB.....	=	mjesečno	=	348,21KM
-HDZ BiH ..	=	mjesečno	=	348,21KM
-NBL.....	=	mjesečno	=	348,21KM
UKUPNO	=	mjesečno	=	5.208,31KM

Pripadajući iznos sredstava iz stava 1. ovog člana transferisat će se sa transakcijskog računa Budžeta Općine Maglaj na transakcijske račune političkih stranaka kojima pripadaju pojedine parlamentarne grupe.

Član 4.

Za realizaciju ove Odluke zadužuje se Služba za privredu, finansije i razvoj poduzetništva.

Član 5.

Ova odluka stupa na snagu danom donošenja i ima se objaviti u „Službenim novinama Općine Maglaj“.

Broj:06-45-1-309-1/21

Maglaj, 23.04.2021.godine

NAČELNIK OPĆINE
Mirsad Mahmutagić s.r.

SADRŽAJ**AKTI OPĆINSKOG VIJEĆA**

105.	ODLUKA o izmjeni Odluke o utvrđivanju platnih razreda i koficijenata za plaće, dodatka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj	369
106.	ODLUKA o usvajanju djelimične Izmjene Regulacionog plana “Centar Maglaj – sjeverni dio” po zahtjevu „EUROMEAT“ d.o.o.	369
107.	Nacrt ODLUKE o usvajanju Nacrta djelimične Izmjene Regulacionog plana “Centar Maglaj – južni dio” po zahtjevu „ALUWOOD“ d.o.o.	370
108.	ODLUKA o pristupanju djelimičnoj izmjeni Regulacionog plana “ STARI GRAD” Maglaj po zahtjevu Lokmić Enise	371
109.	ODLUKA o pristupanju djelimičnoj izmjeni Regulacionog plana “ Maglaj Centar –južni dio”	372
110.	RJEŠENJE o razrješenju i imenovanju novog člana Komisije za dodjelu javnih priznanja	373

AKTI NAČELNIKA OPĆINE

111.	ODLUKA o rasporedu i isplati sredstava za finansiranje parlamentarnih grupa političkih stranaka i samostalnih vijećnika za 2021. godinu	374
------	---	-----